



Inatsisartunut ilaasortaq Aqqalu C. Jerimiassen, Atassut
/Maani

Airbus pillugu § 37 naapertorlugu apeqquteqaammut 2020-035-mut akissut

25-02-2020
Suliaq nr.: 2020 - 3561
Id nr. 50429913

Asasara Aqqalu

Inatsisartut suleriaasianni § 37 naapertorlugu Airbus-imik pisinissaq pillugu Naalakkersuisunut apeqquteqaateqarputit. Apeqqutitit uannit akineqartussanngorlugit innersuunneqarput. Apeqqutitit matuma kinguliani ataasiakkaarlugit allanneqarput, akissutitaannik malitseqartinneqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

1. Timmisartog pisiarineqartussaq nutaaq Airbus A330-800neo mittarfissanut qanoq naleqqussagaava?

Air Greenlandip timmisartog taanna qinigaraa pisiaralugulu, aammalu Air Greenlandip mittarfissani pissusiusussat soorunami ilisimaarai.

Naalakkersuisut timmisartumik toqqaanermi akuutinneqarsimangillat. Taamaattumik sukumiisumik paasisaqarusunnermi Air Greenland saaffigeqquneqarpoq.

2. Sooq Boeing 787-8 Dreamliner toqqarnagu Airbus A330-800neo toqqarneqarsimava?

Matuma siuliani taaneqartut Naalakkersuisut timmisartumik toqqaanermi akuutinneqanngillat. Taamaattumik sooq Air Greenlandip timmisartumik allamik toqqaanani timmisartog taanna toqqarsimaneraa oqaaseqarfigisinnaanngilara.

Kisiannili januaarip ulluisa 20-anni Sermitsiaq AG-kkut atuarneqarsinnaasoq una innersuussutigisinnaavara:


"Pisortaaneq Jacob Nitter Sørensen ilisimatitsivoq, akigititaq pissutigerpiarlugu Boeings 787-8 dreamliner naggataagut taamaatinneqartoq.

- Dreamliner unammillertaalluarsimavoq timmisartuuvorlu pitsaalluinnartoq. Timmisartut marluk taakku toqqaannartumik imminnut assersuunneqarnerminni assigiittorujussuupput, kisiannili A330-mik ilisimasaqareernerput aalajangiisuusimavoq, taamaalilluta pilotit ilinniaqqinnissaat mekanikerillu timmisartumut nutaamut ilinniartinnissaat pinngitsoortussaagatsigu, kiisalu kingoraartissarpassuarnik pigeriikkatsinnik atuisinnaalluta, Jacob Nitter Sørensen check-in.dk-mut nassuiaavoq."

3. Mittarfinnut nutaassanut pingasuusunut timmisartumik allanik pisinissanik naalackersuisut pilersaaruteqarpat?

Naalackersuisut timmisartunik pisiniarneq ajorput. Sullissisut, mittarfinnik atuisuusut timmisartumik qanoq ittumik atuissanerlutik aalajangiisarpud pisiniartarlutillu.

Inussiarnersumik inuulluaqqusillunga


Karl Frederik Danielsen